

张羽新 徐中起 欧光明 主编

张双志 苏 钦 副主编

《清朝安边治国 民族立法文献汇编》



中国民族摄影艺术出版社

本册目录

苗疆民族立法文献(十六)

· 湖南苗防屯政考(四)(清·但湘良撰)

湖南苗防屯政考卷十

二品銜前署湖南辰永沅靖道但湘良纂

營汛

苗疆兵防提鎮協營官兵額數

提標

中左右前後五營
聽湖廣總督節制

提督軍門

駐常德府兼
駐辰州府城

參將一員

駐常德府城

遊擊都司各二員

一駐

常德一
駐辰州

守備三員

一駐常德一駐
辰州一駐浦市

千總九員把總十七員

分駐
常德

辰州二城瀘
溪浦市等汛

外委千把總十五員額外委六員馬兵四百七

十二名戰兵一千九十五名守兵一千三十八名官例馬一百

一十二匹騎操馬四百九十三匹

原設兵三千五百名駐湖北武昌府順治三年設提標凡立五
營四年移駐襄陽府十五年復移武昌十八年復移襄陽康熙
元年移駐荊州十年又移駐武昌十八年改歸雲南提督將彝
陵鎮改爲湖廣提督駐彝陵州十九年復移荊州二十二年裁
兵六百名是年又裁兵四百三十五名二十四年移駐湖南常
德府二十八年裁兵三百名撥入新設常德水師營三十四年
裁兵八十五名四十二年題帶晉省馬兵四百名歸標四十三
年抽撥各營兵五百二十名添入四十五年裁兵七十四名撥
歸鎮筵雍正七年裁馬兵十二名戰兵二十五名守兵八十八
名撥歸永順協是年又裁馬兵十二名添外委千把總十二員
八年又裁兵二百名撥歸鎮筵仍照所撥之數募補本標乾隆
七年裁馬兵一百三十四名戰兵二百二十七名添入長安營
本標仍照數改募守兵三百六十一名乾隆八年裁後營遊擊
守備各一員千總二員把總四員其外委千總一員把總二員
馬步兵丁分歸四營十八年改前營遊擊爲都司二十六年裁
前營都司養廉馬兵二名四十七年裁養廉公費虛兵三百七
十二名添實兵六百一十名隨裁馬兵四名添額外委四員
嘉慶二年將提督兼駐辰州並將左營官兵全行移駐添設後
營都司一員四年裁馬兵十三名赴烏宿等營增戰兵十三名
是年又裁戰兵三十名守兵七十名撥歸鎮筵六年裁左營守

永順協

備一員撥歸鎮筵中營後軍七年將浦市營守備千總把總外委千總各一員外委把總額外外委各二員戰兵一百二十名守兵一百三十名撥歸本標九年裁戰兵十四名馬兵三十六名撥歸芭茅坪二十年裁前營守備一員撥歸新設嶺東營是年又裁戰守兵各二百三十六名限三年裁足二十一年裁馬兵二十名撥歸河溪營實存官兵如現額

副將一員都司一員

皆駐永順府城

千總二員

一駐永順府一駐龍山縣

把總三員

一駐龍山碧潭汛一駐永順王家村一駐永順萬民岡

外委千把總五員額外外委二員

馬兵六十一名戰兵一百六十四名守兵四百名官例馬二十

六匹騎操馬六十八匹

雍正七年改土歸流添設營制立副將都司各一員千總二員把總四員抽撥南北各標鎮協營馬兵六十八名戰兵一百八十五名守兵四十七名是年裁馬兵六名添外委千總二員把總四員十三年添民壯守兵七十名乾隆三年裁民壯兵七十

名撥赴綏甯營二十七年裁馬兵二名添額外外委二員四十七年裁養廉公費虛糧戰兵五十二名守兵八十六名是年添馬兵十六名戰兵五十名守兵十七名嘉慶二年裁本營旦武汛把總外委各一員馬兵十五名守兵五十五名撥歸新設古丈坪營九年裁戰兵三名守兵七名撥歸芭茅坪二十年裁戰守兵各十六名限三年裁足實存官兵如現額

乾州協

附鎮溪營

副將一員

駐乾州城

遊擊一員

駐鎮溪所

都司一員

駐乾州廳

守備三員

一駐強虎

寨一駐喜鵲營

千總四員

一駐乾州廳

一駐捧捧坳

一駐桂巖坡

把總七員

一駐乾州廳

一駐強虎汛

一駐灣溪汛

一駐鎮溪營

一駐良章營

外委千把總十

員額外外委七員馬兵五十一名戰兵六百四十九名守兵六

百五十名官例馬五十六匹騎操馬六十八匹

原係鎮筵右營遊擊汛地乾隆六十年改營為協嘉慶二年新設營制將辰州副將移駐乾州改乾州左營遊擊移駐鎮溪所

爲鎮溪營遊擊隸乾州並將鎮算左營守備一員千總二員把總三員外委四員歸協營轄添設都司一員守備千總各二員把總五員外委六員馬兵五十一名戰兵六百九十九名守兵七百名將把總額外各一員戰守兵各五十名分駐乾州廳標二十年裁廳標官兵限三年裁足實存官兵如現額

河溪營

都司一員

駐乾州廳河溪

守備一員

駐瀘溪縣洗溪汛

千總二員

一駐洗溪汛一駐乾州鴉

溪把總三員

一駐河溪城一駐瀘溪縣大坡流汛一駐乾州張排寨汛

外委千把總六員額

外外委二員馬兵二十名戰兵二百七十一名守兵二百九十

一名官例馬十八匹騎操馬二十八匹

原係乾州協汛地嘉慶二年設立洗溪營守備五年改汛爲營將新設烏宿營都司及千把總各一員外委二員戰守兵各一百十四名移駐河溪又將洗溪守備改爲本營中軍守備並將洗溪千總一員把總二員外委四員額外外委二員戰守兵各

一百七十七名歸併河溪合爲都司專營其原設千總外委額
外外委各一員兵七十五名仍撤歸乾州協各汛安設二十一
年裁提標左後二營馬兵二十名撥歸本營裁
本營戰兵二十名撥歸提標實存官兵如現額

辰州營

都司一員

駐辰州府城

守備一員

駐辰谿縣城

千總三員

二駐辰州城一駐溆浦縣

把

總七員

一駐辰州城一駐北谿汛一駐烏宿汛一駐界亭汛一駐辰谿縣一駐山塘汛一駐船溪汛

外委千

把總六員額外委三員馬兵八十一名戰兵一百六十二名

守兵七十一名官例馬二十八匹騎操馬九十匹

原係辰州鎮康熙十九年改爲協設副將都司各一員守備二
員千總四員把總八員馬兵一百八名戰兵一百六十六名守
兵七百三十名雍正七年裁馬兵六名添外委千總各一員把
總五員又裁馬兵戰兵各二十名守兵一百五十五名撥歸永
順協八年裁馬兵十五名戰兵三十名守兵一百五十五名撥歸六
里吉多營是年又添馬兵二十七名戰兵五十四名守兵一百

八十九名九年裁馬兵十名戰兵二十名守兵七十名撥歸永綏協是年又添馬戰守兵如所裁之數十二年裁馬兵一名戰兵三名守兵十二名乾隆二十七年裁馬兵三名添額外委三員三十一年裁左營守備一員並養廉虛糧馬兵二名戰兵六名四十五年裁長安營馬兵三名戰兵六名守兵二十一名撥歸本營四十七年裁養廉公費虛糧馬兵二十六名戰兵七十五名守兵四十五名添實馬兵十六名戰兵五十名守兵十七名嘉慶二年平苗案內改協爲營將原設副將移駐乾州其原設中軍都司改爲辰州城守營又裁瀘溪汛千總一員守兵九名撥歸新設洗溪營又改烏宿辰谿浦市三汛皆爲營將本營原設把總外委各一員戰兵十三名守兵六十四名撥歸烏宿營將把總一員戰兵一名守兵十九名撥歸浦市營將守備千總各一員把總三員外委把總二員額外委一員馬兵二十一十一名戰兵三十五名守兵二百七十六名撥歸辰谿營四年改辰谿烏宿二營復爲汛將辰谿營守備仍爲本營中營守備其餘官兵照舊撥歸本營將烏宿營新設都司移駐河溪營其把總外委把總各一員戰兵三十八名守兵三十九名仍歸本營九年裁戰兵四名守兵十名撥歸芭茅坪實存官兵如現額

古丈坪營

湖南苗防屯政考

卷一

營汛

四

都司一員

駐永順縣古丈坪

千總二員

一駐旦武營一駐龍鼻嘴

把總三員

一駐古丈坪一

駐土蠻坡一駐黑潭坪

外委千把總三員馬兵十名戰兵二百十七名守

兵二百十八名官例馬十四匹騎操馬十六匹

原係永順協旦武營嘉慶二年改設都司一員千總把總外委把總各二員額外委三員又將永順協把總外委把總各一員撥歸本營設戰守兵四百七十名內除奉裁兵二十五名撥歸辰沅道分隸三廳外實存永順協撥來馬兵十名守兵五十名新募戰兵二百十七名守兵一百六十三名如現額

鎮筵鎮

中左右前四營隸湖廣總督湖南提督統轄

總兵官一員

駐鳳凰廳

遊擊三員

一駐五寨司一駐曬金塘一駐得勝營

都司一員

駐鳳

營守備五員

一駐廖家橋一駐嚴門一駐舊司坪一駐清溪哨一駐樂濠汛

千總九員

一駐路口一

駐觀景山一駐麻陽縣一駐木林坪一駐溝田汛一駐首蓆衝一駐靖疆營一駐黃土坳一駐全勝營把總十九

員一駐廖家橋一駐大坪汛一駐鴉保硯一駐五寨司一駐冷
風坳一駐五寨司一駐潭江汛一駐高村汛一駐礮臺坡一
駐紅樹坡一駐龍肱汛一駐曬金塘一駐篁子坪一駐得勝營
一駐鳳凰營一駐黃屈江一駐山角屈一駐鴉拉營一駐落潮
井外委千把總二十三員額外外委一員馬兵一百七十一名
戰兵一千八百四名守兵二千一百三十二名官例馬一百一
十四匹騎操馬二百一十五匹

原係協營康熙三十九年將沅州鎮移改鎮篁鎮總兵官一員
遊擊守備各四員千總八員把總十六員隨帶兵一千名並原
協兵一千一百名四十五年抽撥各標鎮協營兵九百名將左
右二營把總二員馬兵三十名戰兵四十名守兵一百四十名
撥給乾鳳二廳防守合共兵三千名雍正七年裁馬兵十六名
添外委千把總十六員八年添千總一員把總四員裁馬兵四
名添外委千把總八員撥提標等營馬兵八十名戰兵一百六
十名守兵五百六十名歸本標隨裁馬步戰守兵如前數撥赴
新設吉多營九年添馬兵一百五十七名戰兵八十八名守兵
二百五十五名隨裁馬兵十名戰兵二十名守兵七十名撥歸

永綏協十三年添守兵三百名乾隆三年裁把總一員撥歸沅州協三年裁守兵三百名撥歸武岡等營四年裁馬兵一名戰兵九名守兵五十名撥歸沅州協七年裁千把總各一員外委二員馬兵三十二名戰兵六十八名守兵二百三十八名撥歸新設長安營十八年改前營遊擊爲都司二十五年裁游擊養廉馬兵二名二十七年裁馬兵四名添外委四員二十九年裁乾鳳二廳把總二員馬兵二十名戰兵四十名守兵一百四十名四十七年添馬兵七十三名戰兵二百三十一名守兵七十九名裁養廉公費虛糧馬兵七十二名戰兵二百四十七名守兵七十五名又裁馬兵一名添額外外委一員嘉慶二年將本標左營原駐乾州改爲乾州協遊擊守備各一員千總二員把總三員外委千把總四員馬兵戰兵各六十九名守兵四百三十七名均撥歸乾州協隨添遊擊守備各一員千總二員把總六員外委四員戰兵一千一百四十名守兵九十九名內新添鳳凰廳標把總外委各一員戰守兵各五十名撥給該廳防守又裁馬兵十名添外委千總一員額外外委九員五年添戰兵二百三十六名守兵五百六十四名六年添撥提標守備沅州協千總長安營把總綏甯營外委各一員裁馬兵七名添額外外委七員二十年裁鳳凰廳標把總外委各一員戰守兵各五十名限三年裁足實存官兵如現額

沅州協

副將一員都司一員

皆駐沅州府城

守備一員

駐晃州

千總四員

二駐沅州府城

一駐懷化汛

把總八員

一駐沅州府城

一駐涼傘汛

一駐晃州汛

一駐便水

一駐黔陽汛

外委千把總七員

額外外委二員馬兵九十名

戰兵一百九十名守兵六百四十六名官例馬四十四匹騎操

馬九十九匹

原係沅州鎮康熙三十九年移駐鎮筸改鎮筸協副將爲本協副將移駐州城設都司守備各一員千總四員把總八員馬戰守兵九百五十名四十五年裁兵二十三名撥歸鎮筸雍正六年將原駐清浪守備把總各一員平溪把總一員帶原防二汛馬兵十四名戰兵三十二名守兵一百四十五名水步兵水守兵各二十三名撥歸綏甯營七年裁馬兵四名添外委千總一員把總三員九年裁馬兵十名戰兵二十名守兵七十名撥歸永綏協是年又添馬戰守兵如所裁之數十三年添民壯守兵

一百名乾隆三年添晃州守備千把總各一員馬兵二十五名
戰兵五十名守兵七十五名四年將黔陽汛把總一員馬兵一
名戰兵九名守兵五十名撥歸本營十六年裁馬兵二名添額
外外委二員四十五年裁長安營馬兵三名戰兵六名守兵二
十一名撥歸本營四十七年裁養廉公費虛糧馬兵一名戰兵
一百五十四名守兵十四名添實馬兵十六名戰兵五十一名
守兵十七名嘉慶六年將本營甘昧汛千總一員撥歸鎮筵鎮
屬麻陽縣汛九年裁戰兵三名守兵七名撥歸芭茅坪實存官
兵如現額

靖州協

副將一員都司一員

皆駐靖州城

千總二員

一駐靖州一駐三眼橋

把總四員

一駐黃泥關一駐通道縣
一駐會同縣一駐洪江汛

外委千把總五員額外外委二員馬

兵六十六名戰兵一百十六名守兵四百六十名官例馬二十

八匹騎操馬七十三匹

順治十六年設立本協副將都司守備各一員千總四員把總八員馬兵八十一名戰兵一百五十八名守兵五百五十一名康熙二十八年將守備一員撥歸常德水師營雍正六年裁原設五開銅鼓二衛千總各一員把總三員馬兵三十名戰兵六十名守兵二百十五名撥歸綏甯營又裁把總一員撥歸武岡營七年裁馬兵三名添外委千總一員把總二員十三年添馬兵二十四名戰兵四十八名守兵一百六十八名是年又裁馬兵二名添外委千把總各一員乾隆二十八年裁馬兵二名添額外外委二員四十七年裁養廉公費虛糧馬兵十八名戰兵五十二名守兵二十九名添實馬兵十六名戰兵五十名守兵十七名九年裁戰兵三名守兵七名撥歸芭茅坪二十年裁戰守兵各二十五名限三年裁足實存官兵如現額

綏甯營

遊擊一員

駐綏甯黃傘坪

守備一員

駐綏甯臨口汛

千總二員

一駐綏甯縣一駐長安堡

把

總四員

一駐箴子隘一駐錫坡哨

一駐臨口汛

駐黃傘汛

外委千把總三員馬兵二十

八名戰兵六十四名守兵三百二十九名官例馬二十二匹騎

操馬三十一匹

雍正六年移湖北宜都營遊擊沅州協守備把總各一員靖州協千總二員把總三員駐紮甯設立營制撥沅靖二協原防五開銅鼓清浪平谿四衛馬兵四十四名戰兵一百十五名守兵三百八十三名來營七年裁馬兵四名添外委千總一員把總三員乾隆三年添撥鎮筸兵一百名永順協兵七十名來營又新募兵三十名二十八年裁前項兵二百名撥歸長安營四十七年裁養廉公費虛糧馬兵十二名戰兵三十一名守兵三十四名嘉慶六年裁外委把總一員撥歸鎮筸二十年裁戰兵守兵各二十名限三年裁足實存官兵如現額

長安營

遊擊一員

駐城步長安城

守備一員

駐綏甯鎮彝哨

千總二員

一駐長安城一駐老寨汛

把

總三員

一駐長安城一駐防風界一駐地靈汛

外委千把總四員馬兵五十六名

戰兵四十名守兵三百五十一名官例馬二十匹騎操馬六十

匹

乾隆七年設本營遊擊一員左右營守備各一員千總三員把總五員馬兵一百名戰兵二百名守兵七百名其鎮彝都里陡塘三汛撥右營守備把總外委各一員帶兵二百名分駐二十九年裁原撥隨理徭廳把總一員馬兵十名戰兵二十名守兵七十名四十五年裁左營守備千總外委千把總各一員馬兵二十八名戰兵六十名守兵二百一十名撥歸長衡永辰沅澧六協改右營守備爲中軍守備四十七年裁養廉公費虛糧戰兵五十五名守兵四十四名嘉慶六年裁把總一員撥歸鎮守鎮二十年裁戰守兵各二十五名限三年裁足實存官兵如現額

綏靖鎮

中右二營隸湖廣總督湖南提督統轄

總兵官一員遊擊一員

皆駐永綏廳城

都司一員

駐獅子橋

守備二員

一駐三角

巖一駐

千總四員

一駐永綏廳

一駐依棲汛

把總六員

二駐永綏廳

一駐

一駐

駐三角巖一駐

駐獅子橋一駐

外委千把總十員

額外外委六員

馬

營汛

月

一

營汛